

ДИЛДОРА

# МУҲАББАТИМ

*(шеърлар)*


*«Фаргона» нашриёти  
2005 йил*

84(55)6-4

Ушбу китобимни буювжоним Зиёдаҳон  
Низаматованинг ёрқин хотираларига  
бағишлайман.

Китобчани чоп этишда ҳомийлик қилган «Говасой»  
ширкат хўжалиги аъноси Абдумаматхон Ҳамроевга  
миннатдорчилик илҳор этаман.

«У Дилдора. «Муҳаббатим». Шейрлар. «Фарғона»  
нашриёти, 2005 й. - 32 б.



Дилдора (Дилдора Пулатова) — Чуст туманининг Гона қишлоғида туғилган. Аини лайдда тумандаги 45-урта мактабни аъло баҳоларга битирмоқда. Севги, муҳаббат ёшида булган синглимиз илк шеърларини гартибга келтириб, уни «Муҳаббатим» дея номлабди.

Муҳаббат... Бу – адабиётимизнинг кўҳна ва ҳамisha навқирон мавзуси. Бу мавзу ҳар бир иждокорда улгача пардаларда тараннум этилади. Сизга ҳанола этилаётган ушбу мўъжаз тупламда Она, Ватан, ёшлик ҳақидаги шеърлар билан бир қаторда Муҳаббат мавзусидаги шеърларга ҳам кенг урин берилган. Дилдора:

*... Ингичка урилиб, севги ҳаҳридан,  
Чўталиб қолганда йўгонлар бугун.  
Соҳта кулгум ила, муҳаббатим-ла,  
Сени севдим дедим ёлгонлар учун...*

каби сатрларни ёзадики, у албатта шеърхоннинг юрагига этиб боради. Бир ҳазил шеърисида эса у:

*... Майлига ҳамёни бўлса ҳам қуруқ,  
Юраги севгига бўлса бас тўлиқ –*

дейди.

Бу каби мисраларни умидли қаламкаш синглимизнинг қатор шеърларида учратиш мумкин.

Тилагимиз шукни, шеър ёзиш ёш иждокор Дилдора учун уткинчи бир ҳис туйғу бўлиб қолмасин

**МУҲАРРИР.**

## ОНАЖОН

*Сабримни кемирди ҳижрон азоби,  
Қилиб берардингиз мантию оби,  
Ҳар сўзингиз қалбим ою офтоби,  
Энди қадрингизга етдим, онажон,  
Кучамни бошида кутдим, онажон!*

*Юмшоқ қўлларингиз қадоқ бўлганда,  
Шу қадоқ қалбимда адоғ бўлганда,  
Пойимда қабрингиз дудоқ бўлганда,  
Энди қадрингизга етдим, онажон,  
Наҳотки Сизсиз биз етим онажон?...*

*Тунлари мен учун қайгурардингиз,  
Тонгда нонлар ёниб улгурардингиз,  
Қалбимдан қўрқувни ўлдирардингиз,  
Энди қадрингизга етдим, онажон,  
Сизни шеърларимга битдим онажон...*



## СИЗ БЎЛМАСАНГИЗ

*Яхдек музлаб, қотар қуёшим,  
Оҳ, булоқдай қайнайди ёшим,  
Чидамоққа қолмас бардошим,  
Меҳрибоним, сиз бўлмасангиз.*

*Тонгда эсган саболар йиғлар,  
Юрагим тош, армонлар тиглар,  
Сиздан ўзга мени ким йўқлар,  
Мададкорим, сиз бўлмасангиз.*

*Даврада рақс тушади қизлар,  
Кўкда бир-бир сўнар юлдузлар,  
Нигоҳларим бир сизни излар,  
Танда жон не, сиз бўлмасангиз.*

*Дардлар юрак-бағрим ўяди,  
Соғинч мени тигсиз сўяди,  
Бу ҳолимга ким ҳам куюди,  
Онажоним, сиз бўлмасангиз?!*

## Г Е Р Б

*Гербимда мавжланиб оқар шалола,  
Тоғу қирларда лов очилган лола,  
Пахтаю бугдойи, мағрур Хумоси  
Ва қуёшбобонинг тафтли жилоси.*

*Бу - ҳур Ватаним тамгаси эрур,  
Фахру ифтихори ва шони эрур.  
Хурлигини чамбарак этиб бошига,  
Халқим келаётир, адл қошига.*



## ИССИК ПОН

Тандирга ҳам солиб ҳаяжон,  
Опажоним ёпар ширмои пон,  
Лаб беради ширмоилар чунон,  
Кўрсангиз гар қоласиз ҳайрон.

Бобом алқаб: «Юмшоқ жойидан  
бер-чи, қизим», дейди суютиб,  
Тотиб кўргач, «Қўлларинг асло  
дард кўрмасин», дейди қувониб.

## **ВАТАН ҲИМОЯЧИЛАРИГА**

*Бир қўлида қурол, юрагида ор,  
Фитратида мардлик, яшаи ҳисси бор.  
Чегарада собит, постда-чи – ҳушёр,  
Ватан посбонлари – ботир йигитлар.*

*Ухлмас тунлари, қалбда садоқат,  
Ҳушёрликни қўймас ҳар он, ҳар соат.  
Доеюраклик асли уларга одат,  
Ватан-чун ҳар ишга қодир йигитлар.*

*Шукрқим, юртимнинг посбонлари бор,  
Пок ниятга тўла осмонлари бор.  
Осойиш қалбимда куйлайди дутор:  
Бу юртининг таянчи – нодир йигитлар!*





## **ХУШ КЕЛДИНГ, ЯНГИ ЙИЛ!**

*Янги орзуларни уйготиб дилда,  
Кувноқ қўшиқларни куйлатиб тилда,  
Омад огуши-ла бетакрор йилда,  
Хуш келдинг, элимга яна Янги йил.*

*Элтмасанг чучмома, бинафшалар ҳам,  
Гўзалдир табиат, моҳирўй бирам,  
Ерларга тўшалди оқ тусли гилам,  
Хуш келдинг элимга яна Янги йил.*



\* \* \*

Қалбимни тиглайди ноласи,  
Кўзида маржонлар шодаси,  
Бир оғиз ширин сўз гадаси,  
Болалар уйининг боласи...

Осмон ҳам шунчалар йироқки,  
Не гуноҳ учун шул фироқки,  
Яримта дилда не гуноҳки...  
Болалар уйининг боласи...

- Қайтиб бер менга гўл онамни,  
Топиб бер эрка, шўх отамни,  
Қалбимдан қувинглар мотамни...  
Болалар уйининг ноласи.



## БИЗНИ ТАШЛАБ КЕТГАЧ ОНАМИЗ

Онажонлар билан биргамиз,  
Бироқ қалби тилка-тилкамиз,  
Юпун бўлиб қолди елкамиз,  
Бизни ташлаб кетгач онамиз...

Қайга сизсин шўр пешонамиз,  
Ғамга лиқ-лиқ зўр кошонамиз,  
Эртақларга хўб ишонамиз,  
Бизни ташлаб кетгач онамиз...

Шириним деб келмаса Фарҳод,  
Кимни эслаб, кимни этай ёд,  
Ярим кўнглим кўтарар фарёд,  
Бизни ташлаб кетгач онамиз...

Суратига боқиб тўймадим,  
Йўлларида кўзим, қўймадим,  
Бирор кимни ундай суймадим.  
Бизни ташлаб кетгач онамиз...

Тонглар силар гариб бошимни,  
Яширмадим кўзда ёшимни,  
Сўндирдилар қалб қуёшимни,  
Бизни ташлаб кетгач онамиз...

Туилар нечун йиғламай ёлғиз,  
Мен томонга келмаса бир из,  
Айтмадилар эркалаб «Хур қиз»,  
Бизни ташлаб кетгач онамиз...

Китида қуёш кутиб нетамиз,  
Меҳр, сендан бойиб кетамиз,  
Орзуларга албат етамиз,  
Ташлаб кетса ҳамки онамиз...

## СЕВМАЙМАН...

Ёнимдан бош эгиб ўтсанг ҳам,  
Кўйимда эзилиб кетсанг ҳам,  
Хасратда минг нола этсанг ҳам,  
Барибир, мен сени севмайман.

Йўлимда кун пойлаб ётсанг ҳам,  
Келмасам, кўчамдан ўтсанг ҳам,  
Ишқимда дostonлар битсанг ҳам,  
Барибир, мен сени севмайман.

Орзумас, армонни қучсанг ҳам,  
Қуш бўлиб, бошимда учсанг ҳам,  
Мени деб дунёдан кечсанг ҳам,  
Севмайман, севмайман, севмайман!



## СЕВГИ ҚАСРИДА

*Муҳаббат қасрига бошладинг мени,  
Мардона йўл олдим, қайтвординг нечун?  
Дарвозам ортига суяниб зор-зор,  
Эзилиб йиғладим, йиғладим беун...*

*Садоқат мадҳига жўр қилдинг мени,  
Зўр бериб куйладим, кулвординг нечун?  
Вафо тирқичидан боқиб, атайин,  
Хиёнат боғига йўл олдинг, бугун.*

*Хаёт сўқмоғига бошладинг мени,  
Кўлингга туташсам, отвординг нечун?  
Саҳроларда ёниб, кулга айландим,  
Юрагимда қолди, аччиқ бир тутун...*

## БАЪЗИ ЗАМОНДОШ ҚИЗЛАРГА ҲАЗИЛ

*Замонавий қизларни  
Юбкаси тор дейдилар.  
Нечун туркман қизлари,  
Узун кўйлак кийдилар.*

*Сочин майда ўрганни,  
Ўзбек қизи дер эдик.  
Узун-узун сочларда,  
Садоқатни асрардик.*

*Кани айтинг, қизларжон,  
Сочни кесмоқ шартмиди?  
Сочингни кес, дегувчи  
Йигитлар ҳам мардмиди?*

*Кўринг, ўзбек қизларин,  
Шоҳи атлас кийсалар.  
Лов-лов ёниб уятдан,  
Бош эгади майсалар.*



## СЕВГИ ...

*Мени кутгин, ишон, бир кунн келиб,  
Севги, ўпмишим бор дудогларингдан.  
Васлингдан мунаввар бўлса садоқат,  
Севги, ўтмишим бор чорбогларингдан.*

*Рангим афтодаҳол, суюнса чорбог,  
Даста тузмишим бор бутоқларингдан.  
Васлингни согиниб, ўртаса ҳижрон,  
Мактуб кутмишим бор ўртоқларингдан.*

*Севги, хаёлимдан ўтасан гоҳ-гоҳ,  
Лаб-ла қучишим бор ёноқларингдан.  
Қалбим истагига эгиб бошимни,  
Излаб топмишим бор ЧОРТОҚларингдан.*



## ИШҚ ҰЛМАСИН ДУНЁДА

*Бу дунёда Муҳаббат,  
Эҳтиросдан безади.  
Одам севса, дунёни  
Қапалакдек кезади.*

*Не бўлса бўлсин, аммо –  
Ишқ ўлмасин дунёда.*

*Тунда икки қабутар,  
Термулишиб туради.  
Бемухаббат юрганлар,  
Йиғлар, оҳлар уради.*

*Не бўлса бўлсин, аммо –  
Ишқ ўлмасин дунёда.*





# СИНГИЛЖОН, ҲАММАСИ ОМОНАТ

*Юрагинг тилса-да аламлар,  
Қадрингни билмаса одамлар,  
Ўткинчи, ўтади бу дамлар,  
Йиглама сингилжон, йиглама...*


*Ой юзинг, ойдан-да беқиёс,  
Сўзинг айлағум болга қиёс,  
Ихтиёр айлама, сен - қасос  
«Ал-қасос, мин ал-ҳақ», ўйлама.*

*Жигарим, жигаринг эзилса,  
Наштардек нигоҳлар сезилса,  
Муҳаббат риштаси узилса,  
Йиглама сингилжон, йиглама...*

*Сабрингни кемирса хиёнат,  
Зор қақшаб, йигласа диёнат,  
Мангумас... бу дунё омонат,  
Асрагин бахтингни, йиглама.*

*Дунёда ёмонлар тумонат,  
Барибир ҳаммаси омонат...*

17



## ЎЗГАНИ СЕВ

*Айбим нима, ўзга ёрни севганимми,  
Тунлар бедор, фироқида куйганимми,  
Ё, у ҳақда ширин хаёл сурганимми,  
Севмаганини севиб нима қиласан, ёр?!*

*Сени севсам, қиё боқиб қўймасмидим,  
Қошим қоқиб, юрагингни ўймасмидим,  
Ўртоқлардан хатинг кутиб турмасмидим,  
Севмаганини севиб нима қиласан, ёр?!*

*Ёнмас эдим, тунлари «оҳ» этганингда,  
Кутмас эдим, мендан олис кетганингда,  
Куймас эдим, бу дунёдан ўтганингда,  
Севмаганини севиб нима қиласан, ёр?!*

*Кўп куюнма, сени севиб, кутарлар бор,  
Фироқингда дилни кабоб этарлар бор,  
Севмасанг ҳам ёлғиз, сен деб ўтарлар бор,  
Ошиқларни севмай, гуноҳ қиласан, ёр,  
Бир кун улар уволига қоласан, ёр...*

## ЮРАК

*Бедор юрак – почора юрак,  
Гамнок юрак – фаввора юрак,  
Не сирларни яшириб беун,  
Бемор юрак – бечора юрак.*

*Севиб-севиб толмади юрак,  
Кайрилмади, тоймади юрак,  
Суймаганга суйкалиб, не-не  
Тухматларга қолмади юрак.*

*Хайдадилар – кўнмади юрак,  
Чин севгидан тонмади юрак,  
Азобли ул совуқ сўзлардан,  
Дук-дук урар тинмайни юрак.*

## С Ў Р О Қ

*Сизни биз назарга илмасак  
Ёнимда қол дейсиз, қолмасак...*

*Севгилим, бўлинг ёр десангиз  
Муҳаббатга ошно бўлмасак...*

*Оқшомлар кўчамда зор бўлиб,  
Бизни кутсангизу келмасак...*

*Хотира учун лутф сўрайсиз,  
Сеҳрли бирор суз билмасак.*

*Дилдор, деб ёнишдан не фойда  
Сизни деб юракни тилмасак...*

## ҚИЗЛАР ИСТАГИ

(ҳазил)

*Йигит десанг, йигит бўлсин анойи,  
Дунё ичра йигитлар хотамтойи,  
Бўлсин унда илму таълим саройи,  
Ойдаи ойдин бўлсин қалби, чиройи.*

*Юрганида «алиф» бўлсин қомати,  
Олчи бўлсин ўзгалардан омади,  
Бўлмасин ҳеч кимсага адовати,  
Ширин сўзли, бўлсайди жон офати.*

*Майлига ҳамёни бўлса ҳам қуруқ,  
Юраги севгига бўлса бас, тўлиқ,  
... Майлига кунда бир емасин балиқ,  
Бироқ ўта кетган бўлмасин ориқ.*

## ХАЙР, ЭНДИ...

*Кизгалдоқлар ўпиб қолди юзларингдан,  
Дилда армон ботиб қолди сўзларингдан,  
Ёмғир бўлиб қуйилди ёш кўзларингдан,  
Хайр, энди, селдай оқиб кетган ёрим.*

*Кўлларингдан тутолмадим, етолмадим,  
Юракдаги севгим баён этолмадим,  
Созинчларни муҳаббатга атолмадим,  
Хайр, энди, селдай оқиб кетган ёрим.*

*Тақдир экан, бирга-бирга юролмадик,  
Ойдин тунда етаклашиб туролмадик,  
Ишқ бобида даври даврон суролмадик,  
Хайр, энди, селдай оқиб кетган ёрим.*

*Бошим узра болишларим ботиб кетди,  
Фироқингда фарёдларим тош эритди,  
Сиз томонга боришларим қолиб кетди,  
Хайр, энди, селдай оқиб кетган ёрим.*

## **ҚУЧАЙМУ, Ё КЕЧАЙМУ?!**

*Сенга қайрилмадим, қоврилиб кетдим,  
Нафратланиб кетдим, магрурлигимдан.  
Сен ҳам индамасдан ўтиб кетасан,  
Қайга кетдинг жоним, сўрайин кимдан.*

*Нечун ёр қийнайсан ҳаста юрагим,  
Бугун ё эртага кетаман ёниб.  
Қаршимда рўбарў турасан баъзан,  
Жилмайиб қўясан ҳолимдан қониб.*

*Севгини катталар шуур дердилар,  
Баъзилар муҳаббат сурур дедилар,  
Мен энди не деяй, баъзи кимсалар  
Юракдан юракка кўчиб юрсалар?..*

## СОХТА КУЛГИ

Мен куламан юрагимдан  
ёшлар оқар селдаини!  
Кулмагин ёр багрим тилиб,  
бўлолмасман сендаини.

Қаҳ-қаҳ отиб кулишларим,  
бу шунчаки овунчоқ.  
Мен кулмайман, бу багримда,  
узилади кўзmunчоқ.

Тўлиб кетса аламларим  
кулиб - кулиб енгаман.  
Бир кун келиб чирт ушлғум  
ўхшаб хазон гулга ман.

Юлиб кўринг юрагимни,  
қип-қизарган лоларанг.  
Хасратидан гамлар тошиб,  
жилмайиб қўяр аранг.

Хандон отиб, хўб кулдириб,  
этаюрман кўнни лол.  
Шу кулгим-ла мен бир кунни,  
ўлиб кетсам, ЭХТИМОЛ...



## ЕНИМДА ҚОЛ

*Тор кўчадан куй таралар омон-омон,  
Яхши деманг, бизни ёр ҳам ёмон-ёмон,  
Бизга кун йўқ, ёмонларга экан замон,  
Ихтиёрим, интизорим, ёнимда қол.*

*Кўчамиздан ўтганингда бўйлаб ўтгин,  
Армон эмас, муҳаббатдан куйлаб ўтгин,  
Юрагингга юрагимни боғлаб ўтгин,  
Ихтиёрим, интизорим, ёнимда қол.*

*Сен Фарҳодсан, суйган ёринг Ширин эмас,  
Ширин эмас, Лайли эмас - у мен эмас,  
Муҳаббат – ўткинчи «Гул сайли» эмас,  
Ихтиёрим, интизорим, ёнимда қол.*

*Адоларга солиб кетма қийногингда,  
Сунбулалар хазон бўлди фироқингда,  
Бир гул бўлиб бўй таратай гулбогингда,  
Ихтиёрим, интизорим, ёнимда қол.  
Азоблардан тўйиб кетдим, дардимни ол...*

## КҮНГЛИМ СҮЗИ

*Ёстигим остига кўмиб гамларни,  
Ўртаниб яшадим, етмади бардош.  
Бошимга болишлар ботиб кетса ҳам,  
Келмадинг сўроқлаб бир бор, бағритош.*

*Бўғимда турибди ҳасрат ютиниб,  
Йўлингда кўзларим, келарсан ҳайҳот...  
Изтироб чекмоқда борки имконим,  
Қутмоқдан на маъни, на-да бир нажот...*

*– Кўи юрак, ўзганинг ишқи кундирсин,  
Ўшал, сендан кетган, муҳаббатжонни,  
Лаънатлаб ўтмагин, бироқ, ҳеч жондан,  
Иглаб тополмасин сендек жонини.*



## ШЕКИЛЛИ

Юрагимни тешиб ўтган ўқ шекилли,  
Бармогимни тутган йиғит шўх шекилли.

Термулади: юрагимда ҳаяжон ортар,  
Кўзларини узоқмайди, суқ шекилли.

Икки юзим қирмиз олма, нигоҳим олиб,  
Терс бурилсам, тенгинди ер, дўқ шекилли.

Кенг кўчанинг тор пулида тошдоқ кўп экан,  
Қоқилдим-ов... сўрмади ҳол, дудуқ шекилли.

Индамадим... жим, ёнимда кетиб борарди,  
Менга айтар бирор сўш йўқ шекилли.

Кўп кўчалар ортда қолди, келади бечас,  
Бў ёт менга ўнча ўртоқ шекилли.

Ҳа шилқим-у, на безори, ёринг мақсади: -  
Уйлаб боқсам маконимни билмоқ шекилли.

Ёлгон йўтал «бало»сидан томоғин қириб  
Боқиб қўйди, юзи тўла доғ шекилли.

Аста-аста юзларида кулги жилвагар,  
«Сухбатим»дан кўнглилари чоғ шекилли.

Йўлимизда учраб қолди икки олифта...  
Бири майна, бири эса юг шекилли.

Ортга боқиб кетишлари, қизинди қулақ,  
Растанларда «ган ботор» камроқ шекилли.

... Бегонага бегоналик қилайин десам,  
Бўлмади ҳеч... ул ёр кўнгли чўғ шекилли.

Ҳамма кетди... йўларимда биргина мунис,  
Кетолмади... Дилдор кўнгли оқ шекилли.

\* \* \*

*Ёр юзида холми десам, норга ўхшайди,  
Нигоҳидан бир сўзимга зорга ўхшайди.*

*Кўчангизга бораё десам, кўнмайди сира,  
Ёр бевафо, ё кўчаси торга ўхшайди.*

*Тил учида бор, дилимга ёқмадинг десам,  
Юрагимни чертиб ўтган торга ўхшайди.*

*Севдим дейди, ёрим сизни то Маҳшаргача,  
Бу сўзида алдовлари борга ўхшайди.*

*Севгилим бор, унут дедим, кўнмади зинҳор,  
Хайдаб солдим, асли ул беорга ўхшайди.*

*Наин кундуз, оқшомда ҳам кўчада сарсон,  
Бундай боқсам, ёр уйдан безорга ўхшайди.*

*Кўзларига боқсам қиё, ҳийласи бисёр,  
Бу туриши бераҳм, дилозорга ўхшайди.*

*Ўқи дедим, излап дедим, демагин Дилдор,  
Айтган сўзларим бари бекорга ўхшайди.*

## МУНДАРИЖА

Онажон .....	4
Сиз бўлмасангиз .....	5
Герб .....	6
Иссиқ нон .....	7
Ваган ҳимоячиларига .....	8
Хуш келдинг, Янги йил .....	9
Қалбимни тизлайди ноласи .....	10
Бизни ташлаб кетгач онамиз .....	11
Севмайман .....	12
Севги қасрида .....	13
Баъзи замондош қизларга ҳазил .....	14
Севги .....	15
Ишқ ўлмасин дунёда .....	16
Сингилжон, ҳаммаси омонат .....	17
Ўзгани сев .....	18
Юрак .....	19
Сўроқ .....	20
Қизлар истаги .....	21
Хайр энди .....	22
Қучайму ё кечайму?! .....	23
Сохта кулги .....	24
Ёнимда қол .....	25
Кўнглим сўзи .....	26
Шекилли .....	27
Муҳаббатим .....	28
Этмасангиз .....	29
Ёр юзида .....	30

АДАБИЙ-БАДИИЙ НАШР

Дилдора

# МУҲАББАТИМ

(шеърлар)

Мухаррир: *Фаффор РАСУЛ*  
Тех. муҳаррир: *Ғ. МУЛЛАБОЕВ*  
Мусаххих: *С. ХОЖАЕВ*  
Мусаввир: *А. РУСТАМОВ*

Теришга 2005 й. 16 майда берилди. Босишга 2005 й. 2 06.05 й  
рухсат этилди. Газета қоғозига офсет усулида босилди.  
Бичими 60x84 1/32. Ҳажми 2 босма табоқ. Адади: 500 нусха.  
Буюртма № 679. Баҳоси келишган нарҳда.

---

«Фарғона» нашриёти. Фарғона шаҳри, С.Темур куча, 28-уй  
«Чуст босмаҳонаси» МЧЖда чоп этилди. Чуст шаҳри,  
Сўфизода кучаси 8-уй.